



通德堂經解

逸書考

孝經解

甘泉黃奭學

序

孝經者三才之經緯五行之綱紀孝為百行

之首經者至易之稱玉海四十一春秋有呂國而

無甫侯禮記緇衣正義僕避兵於南城之山棲遲巖

石之下念昔先人餘暇述夫子之志而注孝

經焉大唐新語九地部太平御覽四十二

開宗明義章

仲尼尻

仲尼孔子字

日本國岡田本

尻尻講堂也

釋文

曾子侍

曾子孔子弟子也

岡田本

子曰先王有至德要道

子者孔子

岡田本

禹三王最先者至德孝悌

也要道禮樂也

釋文

以順天下民用和睦上下無怨

以用也睦親也至德以教之要道以化之

是以民用和睦上下無怨也

岡田本

參不敏

參名也參不達

岡田本

敏猶達也

儀禮鄉射記疏

夫孝德之本也

人之行莫大於孝故為德本

正義釋文有人之行三

字岡田本末句作故曰德之本也

教之所由生也

教人親愛莫善於孝故言教之所由生

岡田本

本

身體髮膚受之父母不敢毀傷

父母全而生之已當全而歸之正義

以顯父母

父母得其顯譽也者釋文

始於事親中於事君終於立身

父母生之是事親為始四十疆而仕是事

君為中七十致仕是立身為終也正義釋文四

十作冊又有行步不逮縣車六字

大雅云無念爾祖

雅者正也方始發章以為正始正義大雅者

詩之篇名無念無忘也聿述也修治也為

孝之道無敢忘爾先祖當修治其德也岡田

本釋文有無念無忘也五字

天子章

愛親者不敢惡於人

愛其親者不敢惡於他人之親岡田本

敬親者不敢慢於人

已慢人之親人亦慢已之親故君子不為

也

岡田本

愛敬盡於事親

盡愛於母盡敬於父

岡田本

而德教加於百姓

敬以直內義以方外故德教加於百姓也

岡田本

刑於四海

刑岡田本作形

形見也德教流行見四海也

岡田本釋文有刑見二字

字

蓋天子之孝也

蓋者謙辭

正義

呂刑云一人有慶兆民賴之

引辟連類

文選孫子荆為石仲容與孫皓書注

書錄王事故

證天子之章以為引類得象

正義案書錄王事是疏

申明鄭注之文鄭注止引引類得象四字釋文有引辟二字

天子曰兆民諸侯曰萬民

五經算術上

呂刑尚

書篇名一人謂天子天子為善天下皆賴

之

岡田本

諸侯章

在上不驕高而不危

諸侯在民上故言在上敬上愛下謂之不

驕故居高位而不危殆也岡田本釋文有危殆二字

制節謹度滿而不溢

費用約儉謂之制節慎行禮法謂之謹度

無禮為驕奢泰為溢正義釋文有費用約儉奢泰為溢八字

岡田本首二句同慎行禮法句作奉行天子法度謂之謹度下有故能守法而不

驕溢也九字而無無禮二句

高而不危所以長守貴也

居高位能不驕所以長守貴也岡田本

滿而不溢所以長守富也

雖有一國之財而不奢泰故能長守富岡田本

富貴不離其身

富能不奢貴能不驕故云不離其身岡田本

然後能保其社稷

社謂后土周禮封人疏后稷土也句龍為后土

禮記郊特牲正義

上能長守富貴然後乃能安其

社稷

岡田本

而和其人民

薄賦歛省徭役是以民人和也

岡田本釋文有薄

賦歛二句

蓋諸侯之孝也

列土封疆謂之諸侯

周禮大宗伯疏釋文有列土列疆四字

士譌作土

詩云戰戰兢兢如臨深淵如履薄冰

戰戰恐懼兢兢戒慎臨深恐墜履薄恐陷

義取為君恒須戒懼

正義釋文有恐隊恐陷四字岡田本

作如臨深淵如履薄冰餘俱同而無義取為君二句

卿大夫章

非先王之法服不敢服

服山龍華蟲服藻火服粉米皆謂文繡也

田獵卜筮冠素積

釋文先王制五服日月星

辰服諸侯服山龍

周禮小宗伯疏法服謂日月星

辰山龍華蟲藻火粉米黼黻絺繡

北堂書鈔八十

六天子服日月星辰諸侯服山龍華蟲卿

大夫服藻火士服粉米北堂書鈔一百二十八

龍大將軍讌會詩注引大夫服藻火田獵戰伐冠皮弁詩六月正

義卜筮冠皮弁衣素積百王同之不改易

土冠禮疏儀禮少牢饋食禮疏

非先王之法言不敢道

不合詩書則不敢道岡田本

非先王之德行不敢行

禮以檢奢釋文不合禮樂則不敢行岡田本

是故非法不言非道不行

非詩書則不言非禮樂則不行岡田本

三者備矣

法先王服言先王道行先王德則為備矣

岡田本

然後能守其宗廟

為作宮室釋文

蓋卿大夫之孝也

張官設府謂之卿大夫禮記曲禮正義

夙夜匪懈以事一人

夙早也夜暮也一人天子也卿大夫當早

起夜臥以事天子勿懈惰

岡田本 釋文 有夜暮也 懈惰

五匪非也懈惰也

華嚴音 義二十

士章

資於事父以事母而愛同

資者人之行也

釋文 公羊 定四年疏

事父與母愛

同敬不同也

岡田本

資於事父以事君而敬同

事父與君敬同愛不同

岡田本

兼之者父也

兼並也愛與母同敬與君同并此二者事

父之道也

岡田本

故以孝事君則忠以敬事長則順

移事父孝以事於君則為忠矣移事兄敬

以事於長則為順矣

正義 岡田本

忠順不失以事其上

事君能忠事長能順二者不失可以事上

也

岡田本

然後能保其祿位

食稟為祿

釋文為下缺祿字

而守其祭祀

始為日祭

釋文一本作始日為祭

蓋士之孝也

別是非

釋文案白虎通通古今辯然否謂之士別是非猶之辯然否也

夙興夜寐無忝爾所生

忝辱也所生謂父母士為孝當早起夜臥

無辱其父母也

岡田本案明皇注與此注小異正義不云依鄭注

疑誤

庶人章

用天之道

春生夏長秋收冬藏順四時以奉事天道

岡田本釋文正義俱有春生夏長八字

分地之利

分別五土視其高下若高田宜黍稷下田

宜稻麥邱陵阪險宜種棗栗

神學記卷五太平御覽

三十六、正義以分別五士二句為鄭注
釋文有分別五士邱陵阪險宜棗栗十
字一

謹身節用以養父母此庶人之孝也

行不為非度財為費什一而出無所復謙

釋文行不為非為謹身富不奢泰為節用度

財為費父母不乏也

岡田本

故自天子至於庶人孝無終始而患不及者
未之有也

患禍也書曰天道福善禍淫又曰惠迪吉

從逆凶

正義

總說五孝上從天子下至庶人

皆當孝無終始能行孝道故患難不及其

身未之有者言未之有也

岡田本有故患難不及

其身也善未之有也

十三字

三才章

甚哉孝之大也

語喟然

釋文

上從天子下至庶人皆當為孝

無終始曾子乃知孝之為大

岡田本

夫孝天之經也

夫春秋冬夏物有死生天之經也岡田本

地之義也

山川高下水泉流通地之義也岡田本

民之行也

孝悌恭敬民之行也岡田本釋文有孝弟恭敬四字

天地之經而民是則之

天有四時地有高下民居其間當是而則

之岡田本

則天之明

則視也視天四時無失其早晚也岡田本

因地之利

因地高下所宜何等岡田本

以順天下是以其教不肅而成

以用也用天四時地利順治天下下民皆

樂之是以其教不肅而成也岡田本釋文有民皆樂

之四

其政不嚴而治

政不煩苛故不嚴而治也岡田本釋文有政不煩苛四

字

先王見教之可以化民也

見因天地教化民之易也

正義同

岡田本釋文有民

之易也四字

是故先之以博愛而民莫遺其親

先修人事人事流化於民也

岡田本

陳之以德義而民興行

上好義則民莫敢不服也

岡田本

釋文有上好義三字

先之以敬讓而民不爭

若文王敬讓於朝虞芮推畔於田則下效

之

釋文岡田本田作野下有上行之三字又效之下有法字

道之以禮樂而民和睦

上好禮則民莫敢不敬

岡田本

示之以好惡而民和敬

善者賞之惡者罰之民知禁不敢為非也

岡田本

赫赫師尹民具爾瞻

若冢宰之屬也女當視民

釋文節南山詩

孝治章

昔者明王之以孝治天下也不敢遺小國之臣而况於公侯伯子男乎故得萬國之懽心以事其先王

昔古也

公羊序疏

聘問天子無恙五年一朝郊

迎芻禾百車以客禮待之夜設庭燎當為王者侯者侯伺伯者長男者任也德不倍別優五年一巡守勞來釋文古者諸侯五年

一朝天子使世子郊迎芻米百車以客禮

待之晝坐正殿夜設庭燎思與相見問其

勞苦也

太平御覽一百四十七

周禮大

行人疏引鄭注天子

德不倍者不異其爵功

不倍者不異其土故轉相半別優劣諸侯

五年一朝天子天子亦五年一巡守

禮記王制

正義古者諸侯歲遣大夫聘問天子天子待

之以禮此不遺小國之臣者也

岡田本下有古者諸

侯五年一朝天子天子使世子郊巡至待之與御覽同

諸侯五年一

朝天子各以其職來助祭宗廟是得萬國

之歡心事其先王也

岡田本

治國不敢侮於鰥寡

治國者諸侯也

岡田本

丈夫六十無妻曰鰥

婦人五十無夫曰寡

詩桃天正義 禮記王制正義 丈夫作男

子廣韻二十八山無丈夫婦人四字 文選潘安仁關中詩注引五十無夫曰寡

治家者不敢失於臣妾之心

理家謂卿大夫

正義

男子賤稱

釋文

故得人之懽心以事其親

小大盡節養

釋文

案養字當在下文則致其樂上

夫然故生則親安之

養則致其樂故親安之也

岡田本

案釋文有則致其樂

四字養字誤在上盡節下

祭則鬼饗之

祭則致其嚴故鬼饗之也

岡田本

是以天下和平

上下無怨故和平

岡田本

災害不生

風雨順時百穀成熟

岡田本

禍亂不作

君惠臣忠父慈子孝是以禍亂無緣得起

也

岡田本

故明王之以孝治天下也如此

故上明王所以災害不生禍亂不作以其

孝治天下故致於此

岡田本

有覺德行四國順之

覺大也義取天子有大德行則四方之國

順而行之

正義

岡田本無義取天子四字四方上無則字行之下有也

字

聖治章

天地之性人為貴

貴其異於萬物也

正義

岡田本同

人之行莫大於孝

孝者德之本又何加焉

岡田本

孝莫大於嚴父

莫大尊嚴其父

岡田本

嚴父莫大於配天

尊嚴其父莫大於配天生事愛敬死為神

主也岡田本

則周公其人也

尊嚴其父配食天者周公為之岡田本

昔者周公郊祀后稷以配天

祀感生之帝以帝嚳配祭園丘正義配靈威

仰也通郊者祭天名后稷者周公始祖岡田

本宋書禮志三引郊者祭天之名

宗祀文王於明堂以配上帝

文王周公之父明堂者天子布改之宮上

帝者天之別名岡田本明堂居國之南明陽

之地故曰明堂南齊書九明堂之制八窗四闥

上圓下方在國之南玉海九十五御覽

八窗四闥上帝者天之別名也神無二主故

異其處避后稷也史記封禪書集解後

上有明堂者天子布政之堂九字舊唐

書禮儀志一引亦有明堂者九字而無避

后稷也四字又唐書王仲邱傳引上帝

亦天也神無二主但異其處以避后稷數

明堂異處避后稷也八字

各以其職來助祭

周公行孝於朝越嘗重譯來貢是以得萬

國之歡心也

岡田本釋文有於朝越嘗重譯六字

夫聖人之德又何以加於孝乎

孝悌之至通於神明豈聖人所能加

岡田本

聖人因嚴以教敬因親以教愛

因人尊嚴其父教之為敬因親近於其父

教之為愛順人情也

岡田本案釋文有致其樂親近於母七

字此親近於其父父當作母

聖人之教不肅而成其政不嚴而治

聖人因人情而教民民皆樂之故不肅而

成也其身正不令而行故不嚴而治

岡田本

釋文有不令而行四字

其所因者本也

本謂孝也

正義岡田本

父子之道天性也君臣之義也

性常也君臣非有天性但義合耳也

岡田本

父母生之續莫大焉

父母生子骨肉相連屬復何加焉

岡田本釋文

有復何加焉四字

君親臨之厚莫重焉

君親擇賢顯之以爵寵之以祿厚之至也

岡田本

故不愛其親而愛他人者謂之悖德

人不能愛其親而愛他親者謂之悖德

岡田本

不敬其親而敬他人者謂之悖禮

不能敬其親而敬他人之親者謂之悖禮

也

岡田本

以順則逆

以悖為順則逆亂之道也

岡田本

民無則焉

則法

岡田本

不在於善而皆在於凶德

惡人不能以禮為善乃化為惡若桀紂是

爲善岡田本釋文若桀紂是也正義
悖若桀紂是也案注爲善當作一
字也

君子則不然言思可道

君子不爲逆亂之道言中詩書故可傳道

也岡田本釋文有言中詩書四字

行思可樂

動中規矩故可樂也岡田本

德義可尊

可尊法也岡田本

作事可法

可法則也岡田本

容止可觀

威儀中禮故可觀岡田本

進退可度

難進而盡中易退而補遇釋文岡田本同中作忠

是以其民畏而愛之

畏其刑罰愛其德義岡田本

則而象之

倣

釋文

故能成其德教

漸也

釋文

而行其政令

不令而伐謂之暴

釋文

淑人君子其儀不忒

淑善也忒儀也善人君子威儀不差可法

則也

岡田本

正義有淑善也忒差也六

文注引

忒差也

紀孝行章

居則致其敬

盡其敬禮也

釋文一本作盡其敬也

養則致其樂

樂竭歡心以事其親

岡田本

病則致其憂

色不滿容行不正履

正義

喪則致其哀

擗踊哭泣盡其哀情

正義千三

北堂書鈔九釋文有擗踊

泣三字

祭則致其嚴

齊必變食敬忌跽

釋文

案跽

齋戒沐浴

明發不寐

北堂書鈔八十八

居上不驕為下不亂

雖尊為君而不驕也為人臣下不敢為亂

也

岡田本

在醜不爭

忿爭為醜醜類也以為善不忿爭

岡田本釋文

有不忿爭也四字

居上而驕則亡

富貴不以其道是以取亡也

岡田本

為下而亂則刑

為人臣下好作亂則刑罰及其身

岡田本釋文

作好亂則刑罰及其身也

在醜而爭則兵

朋友中好為忿爭者惟兵刃之道

岡田本

三者不除雖日用三牲之養猶為不孝也

三夫愛親者不敢惡於人之親今反驕亂忿
爭雖日致三牲之養豈得為孝乎岡田本
釋文

五刑章

五刑之屬三千

五刑者謂墨劓膺宮割大辟也岡田本
科條

三千謂劓墨宮割大辟穿窬盜竊者劓刵

賊傷人者墨男女不與禮交者宮割垣墻

開人關闔案垣上闔下手殺人者大辟
釋文

要君者無上

事君先事而後食祿今反要君此無尊上

之道岡田本

非聖人者無法

非侮聖人者不可法岡田本
釋文有
非侮聖人者五字

非孝者無親

已不自孝又非他人為孝不可親岡田本

此大亂之道也

事君不忠侮聖人言非孝非孝者大亂之

道也

岡田本 案釋文有人行者三字一本作非孝行此非孝非孝者當作非

孝行者

廣要道章

教民親愛莫善於孝教民禮順莫善於悌

人行之次也

釋文

移風易俗莫善於樂

樂感人情者也惡鄭聲之亂樂也

釋文

夫樂

者感人情樂正則心正樂淫則心淫也

岡田

本

安上治民莫善於禮

上好禮則民易使也

釋文

岡田本無也字

禮者敬而已矣

敬禮之本有何加焉

岡田本

正義敬者禮之本也無下一句

故敬其父則子悅

盡禮以事

釋文

敬一人而千萬人悅所敬者寡悅者衆

所敬一人是其小千萬人悅是其衆

岡田本

此之謂要道也

孝弟以教之禮樂以化之此謂要道也岡田

本

廣至德章

非家至而日見之也

言教不必家到戶至日見而語之但行孝

於內其化自流於外正義釋文有而日

本但行孝於內流化於外也文選庾元

規讓中書令表注引非門到戶至而見之

教以孝所以敬天下之為人父者也

天子無父事三老所以教天下孝也岡田

釋文有天子事三老

教以悌所以敬天下之為人兄者也

天子無兄事五更所以教天下悌也岡田

釋文有天子兄弟五

教以臣所以敬天下之為人君者也

天子郊則君事天廟則君事尸所以教天

下臣岡田

愷悌君子民之父母

以上三者教於天下真民之父母

岡田本

非至德其孰能順民如此其大者乎

至德之君能行此三者教於天下也

岡田本

廣揚名章

君子之事親孝故忠可移於君

以孝事君則忠

正義

欲求忠臣出孝子之門

故可移於君

岡田本

事兄悌故順可移於長

以敬事長則順

正義

以敬事兄則順故可移

於長也

岡田本

居家理故治可移於官

君子所居則化故可移於官也

正義

岡田本則化

下多所在則治四字

是以行成於內而名立於後世矣

修上三德於內名自傳於後代

正義

諫諍章

是何言與

孔子欲見諫諍之端

釋文

天子有爭臣七人雖無道不失其天下

七人者謂大師大保大傅左輔右弼前疑

後丞維持王者使不危殆

岡田本釋文有左輔右弼前

疑後丞使不危殆十二字注引七人謂三公前疑後丞左輔右弼

後漢劉瑜傳

諸侯有爭臣五人雖無道不失其國大夫有

爭臣三人雖無道不失其家

尊卑輔善未聞其官

岡田本

士有爭友則身不離於令名

令善也士卑無臣故以賢友助已

岡田本

父有爭子則身不陷於不義

父失則諫故免陷於不義

正義

從父之令又焉得為孝乎

委曲從父命善亦從善惡亦從惡而心有

隱豈得為孝乎

岡田本

感應章

明王事父孝故事天明事母孝故事他察

盡孝於父視其分理也

釋文

盡孝於父則事

天明盡孝於母能事地察其高下視其分

察也

岡田本 察分 察當作分理

長幼順故上下治

卑事於尊幼順於長故上下治

岡田本

天地明察神明彰矣

事天能明事地能察德合天地可謂彰矣

岡田本

故雖天子必有尊也言有父也

雖貴為天子必有所尊事之若父三老是

也

岡田本

謂養老也父謂君老也

禮記祭義正義案君

是三字之誤

治其國者上老故雖天子必有尊

也

北堂書鈔卷八十三

必有先也言有兄也

必有所先事之若兄五更是也

岡田本

宗廟致敬不忘親也

設宗廟四時齋戒以祭之不忘其親

岡田本

修身慎行恐辱先也

修身者不敢毀傷慎行者不歷危殆常恐

辱已先也

岡田本

宗廟致敬鬼神著矣

事生者易事死者難聖人慎之故重文岡田

本正義引舊注文上有其字釋文有事生者易故重其文也九字

孝悌之至通於神明光於四海無所不通

孝至於天則風雨時孝至於地則萬物成

孝至於人則重譯來貢故無所不通也岡田

本釋文有則重譯來貢五字

無思不服

義取德教流行莫不被義從化也正義釋文有

莫不被三字岡田本
作孝道流行莫敢不服

事君章

君子之事上也進思盡忠

上陳諫諍之義畢欲見死君難釋文死君之

難為盡忠文選曹子建三良詩注

故上下能相親也

君臣同心故能相親岡田本

喪親章

孝子之喪親也

生事已畢死事未見故發此章

正義釋文有死事

未見四字

哭不偯

氣竭而息聲不委曲

正義

禮無容言不文

不為趨翔唯而不對也

釋文

禮無容觸地無

北堂書鈔九十三

容言不文不為文飾

不為文飾入字正義不云依鄭注

服美不安

去文繡衣衰般也

釋文案般疑作服

聞樂不樂

悲哀在心故不樂也

正義釋文有故不樂也四字

食旨不甘

不嘗鹹酸而食粥

釋文

毀不滅性

毀瘠羸瘦孝子有之

文選謝希逸宋孝武宣貴如誄注釋文

有毀瘠羸瘦四字

喪不過三年示民有終也

三年之喪天下達禮正義不肖者企而及之

賢者俯而就之再期釋文

為之棺槨衣衾而舉之

周尸為棺周棺為槨正義衾謂單可以充尸

而起也釋文案單

陳其簠簋而哀感之

簠簋祭器受一斗二升方曰簠圓曰簋盛

黍稷稻粱器陳奠素器而不見親故哀感

也北堂書鈔八十二周禮舍人疏引內

圓外方受一斗二升考工記旒人疏

引內圓外方者儀禮少牢饋食禮疏引

外方曰簋明皇注有簠簋祭器也陳奠

素器而不見親故哀感

也正義不云依鄭注

擗踊哭泣哀以送之

啼號竭情也釋文

卜其宅兆

宅墓穴也兆塋域也葬事大故卜之

北堂書鈔九十二正義有未六字兆龜兆周禮小

為之宗廟以鬼享之宗尊也廟貌也親雖亡歿事之若生為立

宮室四時祭之若見鬼神之容貌

詩清廟正疏

義引舊解宗尊也廟貌也言祭宗廟見先祖之尊貌也

春秋祭祀以時思之

寒暑變移益用增感以時祭祀展其孝思

也北堂書鈔四時變易物有成熟將欲食

之先薦先祖念之若生不忘親也

太平御覽五百

二十五

生事愛敬死事哀感

無遺織也

釋文

生民之本盡矣死事之義備矣孝子之事親終矣

尋繹天經地義容竟人情也行畢孝成

釋文

